

岐山縣志

光緒十年
六月開雕

岐山縣志序

自黃圖決錄諸書出秦中地志遂濫觴焉
其著者如宋敏求長安志陰弘農志林至明
季喬呂心韓王張諸賢輩出規昉馬班折
衷道義各有撰述以成一邑之言傳為故
實然皆秦人志秦人其言信而有徵而求
長吏之紀載纂少

國朝乾隆間弇山畢大中丞撫秦值時清宴

岐山縣志

吳序

留意文藻檄諸郡邑修輯志乘一時人文
薈萃守令多淹雅才敷文奏懷各侈隆
富有未逮者又得以存孫季述兩君子
相與纂輯編摩關中也六沒駸不懈而企
於古意以盛哉迄今將屆百年矣兵燹頻
經風會更變其間文學德行且不乏人而
忠孝節義為國殞身者亦正多湮沒急有
待於表章地方長吏其忍聽其泯泯哉余



自甲申夏觀政鳳邠恆以風教為念每同
官來謁必索觀志乘以考方隅掌故稽政
治得失者縣州郡凡十有二局六半舊志
失修多恐年所今八月岐山令胡君鴻賓
以所輯邑乘來問序於今日之綱舉目張
有條不紊源源本本一乃核精詳於軍興後
死事男女尤三致一竊不禁欣然喜慨然
歎焉夫風俗與世運移易長吏之賢否民

俗之厚薄因之鴻賓本吾蜀青城之秀弱
冠以教職從戎積勞敘補斯邑下車伊始
卽值奇荒頻年賑濟利儲凡所以為岐民
者心力交瘁處煩劇之地一凋敝之餘而
能以補隊拾遺顯微闡幽為已任其平日
之勤教養端風化概可知矣他日循良報
最丹宸書名由牧令而游陟大僚政事
文章當更卓卓有可紀者豈徒以斯志見

哉況岐為成周發祥之地民儉樸士純良
鴻賓以政教先之繼此宰邑者顧念前徽
勵精圖治又將蒸蒸日上婉王才宗召伯
之盛不唯踵而志者且與經史後先輝映
又奚止黃圖決錄並傳不不哉余將日夕
望之

光緒十一年歲次乙酉孟冬月中澣吉日
進士出身

詔授

朝議大夫前翰林院檢討都察院工科掌
印給事中現任陝西鳳州鹽法道蜀東少
岷氏吳鎮謹序



岐山新志序

余觀夫詩書之所載傳記之所錄凡賢士大夫之有造於民者必先於其山川之險易之田之肥磽物產之盈虛戶口之增減一一熟悉其所以然下而舉而措之有餘裕焉未有嘗然於此數端而得厠名循吏之傳者也光緒癸未年奉

命出守鳳翔一時同舟諸君子類皆能留心民

瘼實事求是岐令 胡君鴻賓少長於相

如子雲之鄉沐浴先達之遺風其於詩書傳記之所稱曰一夫聞而博覽之矣洎同治之初從戎關隴轉運文節間時雖軍書旁午而君所涉歷之處凡山川土田之廣輪物產戶口之消息無不詳誠之於心

以爲他日有用之學旣而軍事解嚴後君題補岐邑令於是卽其向之所默識者

證之以耆老之所陳徵之以文獻之所紀
興廢舉墜因時制宜越數載民氣以和頌
聲大作乃從事於志乘之事又前令郭君
之若編芟蕪繁蕪補苴罅漏凡自乾隆至
今百有餘年賢士大夫又所設施與君
之所爲興利而以者皆粲然以具焉旣
脫稿則以書來言曰岐志之不修也久矣
軍興以來忠義士民節烈婦女尤不可以

無傳爰採訪蒐集以成是編自愧無文惟
紀實也余嘉君之志在於闡揚忠烈激
厲風俗而非徒以組之華逞丹鉛之辨
也亟取而讀之其敘次也簡而明其評論
也公而恕有一事之長輒津津道之不去
口其偶涉於不韙者則畧之不不具書固
存厚之道歟抑邑志之與國史其體例固
不能盡同也若夫附天文於地理之篇錄

藝文於各卷之後一懼其泛而難徵一欲其彙而易核善哉其於阮亭之所云文簡事覈訓詞爾雅者蓋庶幾矣。同者知君之有良吏才而不知君之有良史才也。然則世之有事於民社者非熟悉其山川之險易土田之肥磽物產之盈虛戶口之增減固不足以爲良吏亦非熟悉其山川之險易土田之肥磽物產之盈虛戶口之增減並不足以爲良史也。余嘉胡君之有造於岐之民而卽有以匡余之不逮也爰濡筆而爲之序。

皆

光緒歲次旃蒙作噩壯月上澣知鳳翔府事愚弟蘇完熙年夢錫甫拜誌



重修岐山縣志敘

岐處鳳郡西爲周室發祥地卷阿周原甘棠鳴鳳諸勝雜見經史秦漢以降世代迭更疆域沿革亦各不同讀書稽古之士渡雍涇而訪名亭睹山川人物餘韻流風慨然想見古人盛治以嘆興懷然則岐不甚賴有志哉光緒四年春余承乏是邦甫下車哀鴻滿地嗷嗷待哺目擊心傷思爲賑

撫訃而山原川隰墟落茫然急索志閱之辨方別里次第授食岐人得賴以安自後凡民生所繫政治所關恒取資於志按岐志創自前明韓君廷芑于君邦棟續之其書弗傳

國朝順治初王君轂乾隆間郭君胤恒相續成書蒐羅博雅義例詳明予小子復何議焉雖然志者史之遺也國不能一日無史邑

不能一事弗志乾隆距今百餘年矣其間
兵旱頻仍滄桑迭變敷文奏雅紆紫拖青
爲里閭光者固多而義夫烈婦捐軀殺賊
抗節磨笄毅魄貞魂光爭日月者正復不
少此雖

朝廷厚澤深仁培養所至而扶翼綱常廉頑立
懦謂非風俗之裨益歟余忝爲長吏聽其
泯沒咎烏能辭今幸關隴肅清歲豐民悅

拾遺補闕舍此更復何時爰與邦人士分
門別類博採周諮復延屯田張君震溪編
次甲乙公退之餘相與商訂閱六月而成
書無濫無隱可信可敬凡嘉道以來人才
消長民數盈虛政治得失與夫風俗移易
時運盛衰皆得與古昔並傳是編者亦
足資勸懲而昭法戒又豈徒攬山川懷往
聖歌咏風景已哉若遷董之良班范之法

余生也魯未嘗學問惟望後之君子訂而
正焉是則余之厚幸也夫

大清光緒十年歲在甲申嘉_三月上澣之
吉_三知縣事西蜀鴻賓胡昇猷撰

重修岐山縣志敘

或曰志者史之一體也邑有志猶國有史
邑志乃史之全體也何者上古結繩無所
謂志書契肇興卽有紀載攝提循蜚荒乎
邈矣

孔子刪贊於易言包犧神農黃帝於書斷
自唐虞下迄殷周詩三百篇及禮樂春秋
其中山川人物政治得失無不畢備周禮

六官率屬分職三物六行終以考工經卽
史亦卽志也爾雅左氏公穀傳亦無不可
謂志也司馬史記述入書孟堅變而爲志
後世作史者因之而志之名以起是志固
史之一體也歷代帝王命郡邑各修志疆
域山川人物臧否彙而紀之以備輶軒采
風披入國史故曰邑志乃史之全體也邑
志之義大矣哉岐志遠代無稽明知縣韓

廷芳創於嘉靖于邦棟續於萬厯顧其書
今皆無存

國朝順治十四年邑侯王乾隆四十四年邑
侯郭相繼踵修篇第皆八目次稍易亦云
備矣迄今厯百餘年人情風俗日相變更
兼之兵燹傷殘不堪言述莫爲表章使忠
義貞烈之氣鬱而弗伸抑亦守土者之咎
也邑侯

胡公以錦江右族灌水殊英髫年食餼壯
歲從戎採運岐郿厯有三載酬庸授職於
皇帝御極之四年來宰岐封下車伊始觀風問
俗卽有心志事適當畿輔遵諭辦賑有藉
歲行強遂會營彈壓更請額外展賑兩月
又計畝預給農種一時境內肅清塗無餓
孳田無曠土越明年時和歲豐勸捐義倉
民皆樂輸因雨衝獄牆逃逸數囚漸次捕

獲民胥大悅非深諧輿情能如是乎初岐
境南山水出斜峪關名石頭河疏渠灌田
者非一處馬磧舊堰被水衝壞膏壤石田
欲復修治窒礙實多里民公稟侯勘驗區
畫示於上流倍直售地沿堰引水至下流
仍歸舊渠地直多算計所灌之田而分償
之利於此無損於彼衆皆悅服勒石紀事
以昭永久惠無窮焉數年以來編保甲弭

萑苻課農桑息訟獄繕葺

周公廟以崇典禮改建

武侯祠以昭忠貞增廓書院以培植士風
樽節差局以紓緩民力今夏山水衝田傷
人卽冒雨渡渭查視體恤實心實力修廢
舉墜教養兼施政簡刑清乃慨然曰予向
之有心志事未遑興修者今其時矣於是
山川古蹟躬親考覽正數百年沿襲之誤

湮沒之非又博訪故老遍搜遺文百餘年
事蹟歷歷在目取前志參互考訂地理七
篇因郭志纂舊增新官師人物據事直書
賢否自見殉難士女及歷舉節孝事縱莫
詳必載名氏使忠義貞烈之氣鬱而得伸
以昭當時之炯鑒樹後日之風聲其用心
深且厚矣八篇名藝文亦仍王志記序題
詠彙集本事之下取其便於披閱也走以

庸劣之材猥蒙編次之任輯書將成紳民
請敘 侯事列於官師 侯以體例未宜
不可爰於告竣之下詳敘修志之心並敘
治岐之政見侯之施惠岐人與岐人之感
德以冀侯之將來聲施爛然不惟異日修
志者敘政績於官師將

國史更列於循吏尤望繼侯宰岐者心侯之
心惠愛岐民不使岐事歷久就湮心常倦

倦如侯之今日焉不亦懿歟不亦幸歟
皆光緒十年歲次閏逢涸灘極壯月中浣
之吉

賜進士出身

欽加四品銜工部屯田清吏司主事邑人張殿

元百拜謹撰

重修岐山縣志敘

岐志之修於明代者書已無攷

國朝凡二修焉道光間邑侯劉將續之用人太濫費鉅而事無成至今傳爲口實我邑侯胡老夫子宰治岐疆於茲八載百廢俱舉四民歡欣政事之暇慨然以修志爲己任殫精竭慮閱八月而告成考據詳明體裁嚴謹洵一邑之信史凡編次採訪校修參

訂諸紳皆以廉俸供薪水不取民間一錢說者謂鑒於劉公非也夫子自蒞任以來凡事之有利於民無不樂爲之非特修志一端也舊志於藝文不多載觀者不無遺憾此次博採古蹟徧搜碑文有一長可取悉載入藝文志洋洋大觀萃於斯矣夫子固精於文者也有真學問斯有真賞識平時著作率皆以文言道至理最足助

人性靈至見諸石刻若戊寅賑荒記重修
新開山太白廟禹王廟周公廟獻殿改建
五丈原武侯祠並七律培修青化鎮玉皇
閣重修鳳鳴書院碑文前後諸作或蒼老
或清華讀之如韓潮蘇海令人心曠神怡
而又寓懲勸以維風化不與尋常之筆墨
同辰等請付剗劂至再至三 夫子力拒
之其虛心有非他人所能及者夫文章與

政事相爲表裏他日重修邑志敘 夫子
之政事必不遺有用之文章吾儕所請未
遂夫亦可以無悶矣且 夫子本心得之
學以培養人材春風普被化雨均霑私淑
之懷名言奚罄姑敘修志之緣以誌嚮往
云爾

光緒十一年春王正月吉日

例授文林郎壬午舉人受業馮拱辰百拜謹撰